



Broj: 04-40-1-290/25
Sarajevo, 18.10.2025. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ **za period od 08:30 sati 17.10.2025. do 08:30 sati 18.10.2025. godine**

U izvještajnom periodu Kantonalni operativni centar civilne zaštite zaprimio je jednu informaciju o pronalasku NUS-a i to dana 14.10.2025. godine u 12:25 sati, od strane građanina, da je na lokaciji Stojčevac pronađen jedan NUS.

Informacija je proslijeđena Timu za UES Federalne uprave civilne zaštite, koji su pronađeno ubojno sredstvo preuzeli istoga dana.

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su 14 manjih intervencija i to: 5 intervencija na gašenju zapaljenog smeća u kontejneru, 1 intervencija na gašenju zapaljenog napuštenog objekta, 1 intervencija po dojavi dima u poslovnom prostoru, 1 tehnička intervencija na otvaranju vrata lifta i 6 obezbjeđenja (4 pretakanje goriva na Međunarodnom aerodromu Sarajevo i 2 manifestacije iz oblasti kulture).

Općinski operativni centar civilne zaštite Stari Grad: Općinski štab civilne zaštite Stari Grad organizovao je 24-satno osmatranje terena na ugroženim područjima od klizišta, lokalitetima Curine njive, Knjeginjac i Bistrički potok u cilju osiguranja provođenja pravovremenih mjera zaštite stanovništva (pravovremenog upozoravanja i evakuacije, ukoliko to situacija bude zahtijevala) i infrastrukture. Uposlenici Službe civilne zaštite Općine Stari Grad Sarajevo, terenskim obilaskom navedenih lokacija dana 17.10.2025. godine, utvrdili su slijedeće stanje:

1. Curine njive (Opština Istočni Stari Grad i Općina Stari Grad Sarajevo – Bostarići):

Uočene su geološke promjene, uključujući formiranje pukotina uslijed atmosferskih uticaja i pucanja tla (na dijelu “Curine njive ispod igrališta” – dio šumskog zemljišta).

Izvršen obilazak i vizualni pregled terena te je ustanovljeno da je usljed poboljšanja vremenskih prilika došlo do smanjenja vlage u tlu ali da se i dalje vidi manji dotok vode iz pravca donjeg dijela deponije koji se ulijeva u drenažni kanal. Na kraju drenažnog kanala vidljiv je slabiji dotok vode. Nisu primijećene nove veće pukotine na tlu klizišta, dok se u donjem dijelu, ispod igrališta konstantno uočava erozija tla sa osipanjem terena i odvajanjem pojedinih dijelova zemljane mase. Na dijelu iznad rasadnika, vidljivo je nešto više vlage u tlu u odnosu na ostatak klizišta.

Ocjena rizika: Lokalitet je ocijenjen kao uslovno kritičan zbog geoloških procesa, te zahtijeva kontinuiran nadzor.

2. Knjeginjac (Opština Istočni Stari Grad):

Izvršen je obilazak i vizualni pregled lokaliteta deponije. Tokom pregleda je utvrđeno da nije došlo do većih promjena u odnosu na prethodni dan. Na terenu je vidljiva umjerena vlažnost tla, a na pojedinim dijelovima nasipa uočeno je blago osipanje materijala. U donjem dijelu deponije zabilježena je stalna pojava manjih plavnih površina koje nastaju uslijed zadržavanja površinskih voda. Nema vidljivih tragova dovoženja zemljanog ni drugog građevinskog materijala na posmatrani prostor. Također, u koritu iznad ceste nije primijećeno prisustvo vode, što ukazuje na to da nema aktivnog površinskog dotoka niti zastoja u protoku.

Ocjena rizika: Slijevanje deponijskog materijala i erozija uslijed atmosferskih uticaja.

3. Bistrički potok (Općina Stari Grad Sarajevo – Boguševac i Opština Istočni Stari Grad):

Korito potoka je i dalje djelimično zatrpano zemljano-kamenim materijalom i obrušenim stablima. Nisu evidentirane nove degradacije, niti su poduzete aktivnosti na uklanjanju postojećih prepreka. Prilikom obilaska lokaliteta Bistričkog potoka, vizualnim pregledom je ustanovljeno da nije došlo do većih promjena u odnosu na prethodni dan. U koritu potoka, protok vode je stabilan i nesmetan, bez vidljivih prepreka koje bi ometale tok. Primijećeno je da je dotok vode iz pravca Trebevića slabijeg intenziteta, dok je voda u koritu blago zamućena zemljom, što ukazuje na prisustvo sitnih nanosa. Također, iz kaptaže kod mosta na Boguševcu vidljiv je pojačan dotok vode, koja se ulijeva u glavno korito potoka. Na dijelu iznad mosta, koji teritorijalno pripada Općini Istočni Stari Grad, i dalje su prisutna urušena stabla i veće stijene unutar korita, što bi u slučaju povećanog vodostaja moglo djelimično otežati potok.

Ocjena rizika: Povećana opasnost od plavljenja u slučaju obilnih padavina, akumulacija nanosa uzvodno od začepljenja, u slučaju obilnih padavina mogućnost erozije obale uslijed promijenjenog toka vode.

4. Evakuacija stanovništva sa ugroženih područja:

Na osnovu Naredbi Štaba civilne zaštite Kantona Sarajevo (br. 08-40-1128-2/24 od 01.11.2024. godine i br. 08-40-1128-2.1/24 od 20.11.2024. godine), kao i Planova evakuacije Općine Stari Grad Sarajevo, Služba civilne zaštite redovno obilazi naselja Bostarići, Ablakovina i Ablakovina čikma. U toku su procjene rizika i pripreme za eventualno izmještanje stanovništva u sigurnije objekte, koje će osigurati Općina Stari Grad Sarajevo.

Iz ostalih općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

Elektro distribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 9°C, vlažnost zraka 88%, barometarski pritisak 946,0 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Radi provođenja mjera bezbjednog održavanja fudbalske utakmice, večeras od 16 do 21 sat obustavit će se saobraćaj u ulicama Bulevar Ivica Osima (od raskrsnice sa ulicama Put Mladih Muslimana i Azize Šaćirbegović do raskrsnice sa ulicom Hamdije Čemerlića) i Topal Osman paše (od raskrsnice sa ulicom Kemala Kapetanovića do raskrsnice sa ulicom Bulevar Ivica Osima).

Zbog sanacionih radova na gasovodu, u ulici Muhameda Ef. Pandže (kod džamije) saobraćaj je trenutno obustavljen. Vozači se mole da koriste alternativne ulice.

Prema informacijama prikupljenih od dežurnih dispečera i informativnih službi KJKP GRAS, Centrotrans – Eurolines d.d. i JP Željeznice Federacije BiH, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
ŠEF CENTRA
Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a